


正編二

廣
香
賢
二
味
集

五

十六

二




同治三年三月

王昌齡

塞下曲

蟬鳴空桑林，八月蕭關道。
出塞復入塞，處處黃蘆草。
從來幽并客，皆共塵沙老。
莫學游侠兒，矜誇紫騮好。

飲馬渡秋水，寒風似刀平。
沙日未沒黯，見臨洮。
昔日長城戰，咸言意氣高。
黃蘆足今古，白骨亂



蓬蒿

古意

桃花四面發
桃葉一枝開
欲暮黃鸝轉
傷心玉鏡臺
清箏向明月
半夜春風來

放歌行

南渡洛陽津
西望十二樓
明堂坐天子
月朔朝諸侯
清樂動千門
皇風被九州
慶雲從東來
決潏抱

日涿昇平貴論道文墨將何求有詔徵草澤微誠
將獻謀冠冕如星羅拜揖曹與周望塵非吾事入
賦且遲留韋蒙國士識因脫負薪裘今日放歌行
以慰梁甫愁但營數斗祿奉養每豐羞若得金膏
遂飛雲亦可儔

鄭縣宿陶太公館中贈馮六元二

儒有輕王侯脫略當世務本家藍田下非為漁父

故無何困躬耕且欲馳永路幽居與君近出谷同
所驚昨日緯石門五年變秋露雲龍未相感干謁
亦已屢子為黃綬羈余忝蓬山顧京門望西嶽百
里見郊樹飛雨祠上來靄然關中暮驅車鄭城宿
秉燭論往素山月出華陰開北河渚霧清光此故
人豁達展心晤馮公尚戢翼元子仍跼步張范善
終始吾等豈不慕罷酒當涼風屈伸備冥數

聽彈風入松關贈楊補闕

商風入我絃夜介深有露絃悲與林寂清景不可
度寥落幽居心颼颼青松樹松風吹白草谿水寒
日暮聲意去復還九變待一顧空山多雨雪獨立

君始悟

綈氏尉沈興宗置酒南谿留別

林色與谿古溪篁引幽翠山樽在漁舟棹月情已

醉始窮清源口壑絕人境異春泉滴空崖萌艸拆
陰地久之風榛寂遠聞樵叢至海雁時獨飛永然
滄洲意古時青冥客滅跡淪一尉吾子躊躇心豈
其紛埃事緩岑信所尅濟北餘乃遂齊物意已會
息肩理猶未卷舒形性表脫略賢哲議仲月期用
巾餐僧嵩陽寺

同從弟南齋翫月憶山陰崔少府

高卧南齋時開帷月初吐清輝澹水木演漾在窻
戶冉冉幾盈虛澄々變今古美人清江畔是夜越
吟苦千里其如何微風吹蘭杜

巴陵別劉處士

劉生隱岳陽心遠洞庭水偃帆入山郭一宿楚雲
裏竹映秋館深月寒江門起煙波桂陽接日夕數
千里嬾々清夜猿孤舟坐如此湘中有來雁雨雪

候音音

宿裴氏山莊

蒼々竹林暮吾亦知所投靜坐山齋月清溪聞遠
流西峰下微雨向曉白雲收遂解塵中組終南春
可遊

齋心

女蘿覆石壁谿水幽蒙籠紫萼蔓黃花娟々寒露

中朝飲花工露夜卧松下風雲英化爲水光采與
我同日月蕩精魄寥々天宇空

江上聞笛

橫笛怨江月扁舟何處尋聲長楚山外曲遠胡關
深相去萬餘里遙傳此夜心寥々浦溆寒響盡惟
幽林不知誰家子復奏邯鄲音水客皆擁棹空霜
遂盈襟羸馬望北走遷人悲越吟何當遶草白旌

節隴城陰

趙十四兄見訪

客來舒長簾開閣延清風但有無絃琴共君盡樽
中晚來嘗讀易頃者欲還蒿世事何須道黃精且
養蒙嵇康殊冥識張翰獨知終忽憶鱸魚膾扁舟
往江東

過華陰

雲起太華山
雲山互明滅
東峰始含景
了了見松
雪竊人感幽
棲宵映轉
奇絕欣然忘
所疲永望吟
不輟信宿百
餘里出關玩
新月何意昨
來心遇物
遂遷別人生
屢如此何以
肆愉悅

瑩篋引

盧谿郡南夜泊舟
夜聞兩岸羌戎謳
其時月黑猿
啾微雨霑衣令人愁
有一遷客登高樓
不言不

寐彈空篋彈作薊門桑葉秋風沙颯、青塚頭將
軍鐵驄汗血流深入匈奴戰未休黃旗一點兵馬
收亂殺胡人積如丘瘡病驅來役邊州仍披漠北
羔羊裘顏色饑枯掩面羞眼眶昨淚滴深兩眸思還
本鄉食甕牛欲語不得指咽喉或有強壯能呶嘍
意說被他邊將讎五世屬藩漢主留碧毛氊帳河
曲遊縶駝五萬部落稠敕賜飛鳳金兜鍪為君百

戰如過籌靜埽陰山無鳥投家藏鐵券特承優黃
金千斤不稱求九族分離作楚囚深谿寂寞絃苦
幽草木悲感聲颼颼僕本東山為國憂明光殿前
論九疇簾讀兵書盡冥搜為君掌上施權謀洞曉
山川無與儔紫宸詔發遠懷柔搖筆飛霜如奪鉤
鬼神不得知其由憐愛蒼生比蚍蜉朔河屯兵須
漸抽盡遣降來拜御溝便令海內休戈矛何用班

趙定遠侯史臣書之得已不

城傍曲

秋風鳴桑條草白狐兔驕邯鄲飲來酒未消城北
原平掣皂鷗射殺空營兩騰虎迴身却月佩弓弣

送李擢遊江東

清洛日夜漲微風引孤舟離觴便千里遠夢生江
樓楚國橙橘暗吳門烟雨愁東南具今古歸望山

雲秋

客廣陵

樓頭廣陵近九月在南徐秋色明
海縣寒烟生里閭夜帆歸楚客
昨日渡江書為問易名叟垂綸不
見魚

宿京江口期劉脊虛不至

霜天起長望殘月生海門風靜夜潮滿城高寒氣